

- 426 -

Na osnovu člana 2. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH" broj 6/06, 75/06, 44/07, 84/09 i 48/10), člana 8. stav 3. alineja 16. Zakona o principima lokalne samouprave u Federaciji Bosne i Hercegovine («Službene novine FBiH» broj 49/06) i člana 25. stav 1. tačka 2. Statuta Općine Zavidovići («Službeni glasnik Općine Zavidovići» broj 5/2008 i 5/a/2008), Općinsko vijeće Zavidovići na 34.sjednici održanoj 31.05.2011. godine donijelo je

O D L U K U
i izmjenama i dopunama Odluke o bezbjednosti
i organizaciji saobraćaja na cestama općine Zavidovići

Član 1.

U članu 27. Odluke o bezbjednosti i organizaciji saobraćaja na cestama općine Zavidovići („Službeni glasnik općine Zavidovići“, broj 6/2008 i 10/2009) stav 1. mijenja se i glasi: «Javna parkirališta mogu biti sa naplatom i bez naplate».

Iza stava 1. dodaju se novi stav 2. i 3. koji glase: «Parkirališta sa naplatom mogu biti:

- parkirališta na kojima se vrši naplata parkiranja bez rezervacije parking mjesta izuzev dnevne rezervacije,
- parkirališta na kojima se vrši naplata parkiranja samo na rezervisanim mjestima. Vlasnik stana ili poslovnog prostora može rezervisati samo jedno parking mjesto.»

Dosadašnji stav 2. postaje stav 4.

Član 2.

U članu 28. stav 1. na kraju rečenice dodaju se zarez, riječi i brojevi: «, odnosno do 22,00 sati za vrijeme ljetnog računanja vremena».

U članu 28. stav 2. na kraju rečenice dodaju se zarez i riječi: «izuzev parking mjesta koja su rezervisana».

Član 3.

Član 32. mijenja se i glasi: «Isticanjem parking karte, odnosno zaustavljanjem vozila na parking mjestu, vozač odnosno vlasnik vozila zaključuje sa davaocem usluga parkiranja ugovor o korištenju parkirališta, prihvatajući opće uslove propisane ovom Odlukom.

Ugovorom iz prethodnog stava isključuje se obaveza čuvanja vozila, te odgovornost za oštećenje ili krađu vozila.

Korisnik parkirališta čini povredu ugovora o korištenju parkirališta, koja povlači ugovornu kaznu koja se plaća u iznosu 20,00 KM ako:

- koristi parkiralište bez parking karte,
- ne istakne parking kartu na vjetrobransko staklo,
- prekorači dopušteno vrijeme parkiranja, za parking mjesta na kojima je ograničeno vrijeme parkiranja.

Račun za izvršene usluge parkiranja i nalog za plaćanje ugovorne kazne izdaje ovlaštena osoba davaoca usluge-redar, te ga na odgovarajući način pričvršćuje na vozilo.

Korisnik parkirališta dužan je po primljenom nalogu platiti naknadu za parkiranje i ugovornu kaznu odmah na licu mjesta.

Ukoliko korisnik parkirališta odbije da plati naknadu za parkiranje i/ili ugovornu kaznu, davalac usluga parkiranja će naknadu naplatiti u skladu sa zakonom.»

Član 4.

U članu 35. stav 1. iza riječi «prostor» dodaju se riječi i brojevi «iz člana 34. stav 1. ove Odluke».

Član 5.

U članu 37. stav 2. mijenja se i glasi: «Na parkirališnim mjestima iz prethodnog stava mogu se parkirati bez obaveze plaćanja naknada za parkiranje samo vozila uz prisutnost lica koja

- 427 -

posjeduju «Znak za pristupačnost» postavljen na vidnom mjestu, koji je izdat od nadležnog organa u skladu sa Pravilnikom o načinu obilježavanja vozila kojim upravlja osoba sa oštećenim ekstremitetima («Službeni glasnik BiH» broj 13/2007)».

Iza stava 2. dodaje se novi stav 3. koji glasi: „Prostor između zgrade JP «BH Pošte» d.o.o Sarajevo, poslovna jedinica Zavidovići i pasaža lamele IV u ulici «Dobrovoljnih davalaca krvi», naselje «Stadion» koristi se isključivo za parkiranje vozila lica koja posjeduju međunarodni „Znak pristupačnosti“ izdat od nadležnog organa bez naknade“.

Član 6.

U članu 40. stav 1. alineja 1. mijenja se i glasi: «prostor u ulici «Dobrovoljnih davalaca krvi» između zgrade Općine Zavidovići, Policijske stanice Zavidovići i Općinskog suda u Zavidovićima».

U stav 1. dodaje se nova alineja 4 koja glasi: «prostor u krugu JU «Doma zdravlja sa poliklinikom» Zavidovići u ulici «Gazi Husrev-begova», rezervisan za službena vozila i vozila zaposlenih ustanove.

Iza stava 1. dodaju se stav 2., 3., 4. i 5. koji glase: «Na parkiralištu iz alineje 1. prethodnog stava mogu se parkirati vozila zaposlenih Općine Zavidovići, Policijske stanice Zavidovići i Općinskog suda u Zavidovićima, ukoliko postoji slobodnih mjesta za parkiranje nakon parkiranja svih službenih vozila organa.

Broj mjesta za parkiranje iz prethodnog stava, kao i obilježavanje vozila koja će biti parkirana na parkiralištu utvrdit će se elaboratom od strane službe nadležne za poslove saobraćaja koji mora sadržavati broj i grafički prikaz parkirališnih mjesta na kojima se mogu parkirati vozila organa, broj i grafički prikaz parkirališnih mjesta na koja se mogu parkirati vozila lica iz stava 2. ovog člana.

Autobusna stajališta javnog gradskog saobraćaja su:

- sa desnu stranu regionalne ceste Žepče – Zavidovići iz pravca Zavidovića, na lokaciji kod zgrade «tehničkog pregleda» gdje će se vršiti okretanje autobusa,
- sa desnu stranu regionalne ceste Žepče – Zavidovići iz pravca Žepča na lokaciji početka ulice «Oslobodilaca Gostovića»,
- sa desnu stranu regionalne ceste Žepče – Zavidovići iz pravca Zavidovića na lokaciji završetka ulice «Oslobodilaca Gostovića»,
- sa desnu stranu regionalne ceste Žepče – Zavidovići iz pravca Žepča na lokaciji proširenja kod postojeće raskrsnice sa nerazvrstanim putem u ulici «Oslobodilaca Gostovića»,
- sa desnu stranu regionalne ceste Žepče – Zavidovići iz pravca Zavidovića na lokaciji prije stovarišta građevinskog materijala u ulici «Oslobodilaca Gostovića»,
- na desnoj kolovoznoj traci regionalne ceste Žepče – Zavidovići iz pravca Žepča na lokaciji neposredno naspram ulaza u «rasadnik» u ulici «Zlatnih ljiljana»,
- sa desnu stranu regionalne ceste Žepče – Zavidovići iz pravca Zavidovića na lokaciji kod ulaza u «rasadnik» u ulici «Zlatnih ljiljana»,
- sa desnu stranu regionalne ceste Žepče – Zavidovići iz pravca Zavidovića na lokaciji postojećeg proširenja kod ulaza u objekat zv. «garaža» u ulici «Zlatnih ljiljana»,
- sa desnu stranu regionalne ceste Žepče – Zavidovići iz pravca Žepča na lokaciji prije raskrsnice ulice «Zlatnih ljiljana» i ulice «Gajska»,
- sa desnu stranu regionalne ceste Žepče – Zavidovići iz pravca Žepča na lokaciji kod zgrade zvana «Žepačka» u ulici «Zlatnih ljiljana»,
- sa desnu stranu regionalne ceste Žepče – Zavidovići iz pravca Zavidovića na lokaciji nakon raskrsnice u ulice «Zlatnih ljiljana» i ulice «Safvet bega Bašagića»,
- sa desnu stranu regionalne ceste Žepče – Zavidovići iz pravca Zavidovića na lokaciji u ulici «dr. Pinkasa Bandta» naspram zgrade zvana «Samačka»,
- sa desnu stranu regionalne ceste Žepče – Zavidovići iz pravca Žepča na lokaciji u ulici «dr. Pinkasa Bandta» kod zgrade zvana «Samačka»,
- sa desnu stranu ulice «Radnička» na lokaciji prema objektu zvanom «Stovarište»,

- 428 -

- na desnoj kolovoznoj traci ulice «Radnička» na lokaciji kod objekta zvanog «Carina»,
- na desnoj kolovoznoj traci regionalne ceste Zavidovići-Maglaj iz pravca Zavidovića, prije raskrsnice ulice «Krivajska» i ulice «Uljički put».
- sa desnu stranu regionalne ceste Zavidovići-Maglaj iz pravca Zavidovića, na lokaciji nakon ulaza u objekat zvanog «Centar» u ulici «Krivajska».

Na autobusnim stajalištima iz prethodnog stava zabranjeno je zaustavljanje autobusima linijskog lokalnog i međugradskog saobraćaja.

Dosadašnji stav 2. postaje stav 6., u kome se iza alineje 4. dodaje alineja 5. koja glasi: «uz lijevu stranu ulice «Safvet bega Bašagića» od raskrsnice sa ulicom «Alije Izetbegovića» i ulicom «dr.Pinkasa Bandta»».

Član 7.

Član 41. mijenja se i glasi: «Parkirališta na kojima se vrši naplata parkiranja bez rezervacije su:

- prostor između salona namještaja i ulice "Mehmed paše Sokolovića", do realizacije Regulaionog plana "Centar 1". Navedeni prostor obuhvata dva plato parkirališta, osim parking mjesta ispred salona namještaja koji je opće parkiralište,
- prostor s desnu stranu kolovoza ulice «Alije Izetbegovića» od raskrsnice s ulicom «Safvet bega Bašagića» do raskrsnice s ulicom «Gazi Husrev-bega».

Član 8.

U članu 73. stav 1. alineja 6. mijenja se i glasi: «u ulici «Gazija», tri posebna objekta nakon raskrsnice sa ulicom «Krivajska», nakon raskrsnice sa ulicom «Česme» i nakon ulaza u mezarje «Žigića groblje»,

U članu 73. stav 1. iza alineje 10. dodaju se nova alineja 11., 12. i 13. koje glase: „u ulici "Radnička" - dva posebna objekta i to na lokaciji prije raskrsnice sa ulicom «Hasana Kjafije Pruščaka» i lokaciji kod ulaza na parkiralište,

- u ulici «35. divizije», jedan poseban objekat na lokaciji kod teniskog terena,
- na lokalnoj cesti Zavidovići-Mahoje, jedan poseban objekat u naselju Lijeveča kod autobusnog stajališta,
- na lokalnoj cesti Zavidovići-Lovnica, jedan poseban objekat u naselju Lovnica kod osnovne škole».

Član 9.

U članu 84. stav 1. iza tačke 7. dodaje se nova tačka 8. koja glasi:

«8. vozač koji zaustavi ili parkira vozilo na rezervisanom parking prostoru, suprotno članu 40.,».

Dosadašnje tačke 8., 9., 10., 11. i 12. postaju tačke 9., 10., 11., 12. i 13.

Član 10.

Zaključeni ugovori o dodjeli parkirališta na korištenje radi pružanja usluga parkiranja uz naplatu i Pravilnik o postupku davanja na korištenje javnih parkirališta („Službeni glasnik općine Zavidovići“, broj 5/2010) uskladit će se sa ovom Odlukom u roku 30 dana od dana njezinog stupanja na sngu.

Član 11.

Ova Odluka stupa na snagu prvog narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-27-5348/10
Dana: 31.05.2011.godine

(M.P.)

ing. Radosav Petrović, s.r.